



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MDLX. ad annum MDCXXIII.

**Parisiis, 1644**

Edictvm Altervm De Concilio Provinciali Tertio, quod ob causas  
prorogatum fuerat.

**urn:nbn:de:hbz:466:1-15522**

GREGORIVS P. XIII. MEDIOLAN. III. MAXIMILIANVS II. IMP. 191

ANNO CHRISTI 1572. nus singulis diebus dominicisobeatur, precationibus adhibitis pro optimo conciliarium rerum tractationis euentu.

Omnes præterea prouincia nostraræ fideles id monemus, & per viscera misericordia Christi Domini hortamur, ut omni pietatis Christianæ studio & religiosis precibus, iisque assiduis, a Deo consolationis & misericordiarum patre, nobis, negotium tam salutare tractantibus, auxilium implorent: quo nos adiuti, in hac tractatione omnia consilia, sermones & actiones nostras in finem dirigamus, nempe in Christum Iesum, cui in omni iustitia & sanctitate feruire debemus. In quarum rerum omnium fidem hoc edictum confici, auctoritateque nostra imprimi, & nostro signo muniri, tum nostra etiam manu signatum in vulgus publice proponi, eidemque a synodali secretrario nostro subscribi volumus. Datum Mediolani die 20. Februario 1572.

E D I C T V M A L T E R V M  
DE CONCILIO PROVINCIALI TERTIO,  
quod ob causas prorogatum fuerat.

*In nomine sanctæ & individuæ Trinitatis, Patris & Filii  
& Spiritus sancti. Amen.*

*Carolus Borromæus sanctæ Romanæ ecclesiæ tituli sanctæ Pra-  
xedis presbyter cardinalis, Dei & apostolicæ sedis gratia ar-  
chiepiscopus sanctæ Mediolanensis ecclesiæ, uniuersis prouin-  
ciæ nostræ fidelibus salutem in Christo Domino.*

*A*ETERNVS pontifex, vnigenitus dei Filius, Christus Iesus, qui ex sinu Patris in terram missus, fidelium animas redemit per effusionem immaculati sanguinis sui, eam nobis pastoribus animarum curam proposuit, ut omni solicitudine oves, fidei nostræ commissas, a vallibus ad montes, a terrenis scilicet rebus ad cælestes, ab humanis ad diuinæ, a caducis ad æternas reuocare studeamus.

Hæc sane cura plena studii, plena diligentia, referta que omni labore, cum in ceteris pastoralibus muneribus, tum in iis etiam exequendis nos valde solicitos habere debet, quibus Tridentina Synodus & ipsis patrum officiis & animarum saluti & prouinciarum utilitati consultum ef-

se voluit. In iis vero cum sit illa prouincialium Synodorum ad usum reuocata ratio; nos superiori anno, qui tertius erat, quo Mediolani alteram prouincialem Synodus habuimus, tertio prouinciae nostrae episcopos ad Concilium conuocauimus: quod quidem Concilium a nobis de more indictum eas ob causas, conciliaribus nostris literis expressas, celebrare non potuerimus; officii nostri ratio, quæ progressionibus suis tota ad praestantissimam illam curam spectare debet, nos commonet, atque adeo commouet, ut quod proximo superiori anno a nobis intermitti oportuit, id hoc anno omnino præstemus.

Quamobrem omnes & singulos huius nostræ prouinciae episcopos, tum literis eo potissimum nomine vnicuique eorum scriptis, tum hoc etiam publico edicto, ad prouincialem Synodum Mediolanum conuocamus: cuius etiam Synodi inchoanda certum diem, nempe nonum Aprilis proxime sequentis, quo statuto die mane in metropolitanam nostram ecclesiam conueniant, præscribimus. Ut autem ceteris omnibus atque singulis, qui possunt, debentve iure aut consuetudine, aut priuilegio eidem interesse, perulgata sit ac nota huius nostræ prouincialis Synodi tertiae indictio; neve cuiquam vel rei ignorantia ad excusationem vti, vel se contemptum, neglectumve esse, dicere liceat; iis ipsis vniuersis ac singulis, tum ceteris qui sua interesse quavis ratione putarint, hoc edicto publice proposito, illam eisdem significamus, indicimus, ac denuntiamus: iubemusque item illos ipsos omnes & singulos, qui interesse debent, huc in prouincialem Synodum conuenire ad constitutam diem, pœnis & censuris illis propositis, quæ canonici sanctionibus decretæ sunt.

Curent autem comprouinciales nostri episcopi, id quod posteriori prouinciali Concilio sanctum est, vt cum primum hoc edictum acceperint, quo prouincialis Synodi celebrandæ certa dies indicta est, in omnibus & urbis & dioecesis suis parochialibus ecclesiis, quinta quaue feria in singulas hebdomadas, quo ad illa de more absoluta, ac dimissa erit, Missæ sacrum de Spiritu sancto fiat: In cathedraли autem & collegiatis ecclesiis processionum præterea munus singulis diebus dominicisobeatur, precationibus adhibitis pro optimo conciliarium rerum tractationis euentu.

Omnes

GREGORIUS MEDIOLAN. III. MAXIMILIANVS II. 193  
P. XIII. I M P.

ANNO  
CHRISTI  
1573.  
Omnes præterea prouinciæ nostræ fideles id monemus,  
& per viscera misericordiæ Christi Domini hortamur, ut  
omni pietatis Christianæ studio & religiosis precibus, iis-  
que assiduis, a Deo consolationis & misericordiarum pa-  
tre, nobis, negotium tam salutare tractantibus, Spiritus  
sancti lumen implorent, quo lumine adiuti, nos iis initii in-  
sistentes, quæ superioribus annis iecimus, nostros, gregis-  
que nostri gressus dirigamus in viam salutis æternæ. In qua-  
rum rerum omnium fidem hoc edictum confici, auctorita-  
teque nostra imprimi, & nostro signo muniri, tum nostra  
etiam manu signatum in vulgus publice proponi, eidem-  
que a synodali secretario nostro subscribi voluimus. Da-  
tum Mediolani die 16. Ianuarii 1573.

## PROROGATIO SYNODI, ET PROVINCIALIS ET DIOCESANÆ.

Carolus Borromaeus sanctæ Romanæ ecclesiæ tituli sanctæ Pra-  
xedis presbyter cardinalis, Dei & apostolicæ sedis gratia ar-  
chiepiscopus sanctæ Mediolanensis ecclesiæ, uniuersis prouin-  
ciæ nostræ fidelibus salutem in Christo Domino.

ALIIS nostris literis, editi nomine inscriptis, prouin-  
cialem Synodus, quam hoc anno die 24. huius men-  
sis Aprilis habere statueramus, paucis ante diebus de mo-  
re indiximus, sed cum per inualetudinem nostram, ut per  
literas etiam prouinciæ nostræ episcopis significauimus, id  
ad constitutam diem præstare nobis non liceat : eam ad  
diem differimus & prorogamus, quem illi hoc ipso anno  
celebrandæ certum, volente Deo, præscribemus, atque  
indicemus aliis nostris literis.

Diocesanam præterea Synodus, quam indiximus ad  
diem 14. huius etiam mensis Aprilis, ob eam ipsam causam  
differimus, & prorogamus in diem quem aliis nostris literis  
certum significabimus & constituemus arbitratu nostro.  
In cuius rei fidem has necessariæ prorogationis nostræ lite-  
ras confici & publice affigi iussimus. Datum Mediolani  
die 9. Aprilis 1573.